

II. Auditores autem qui appellantur apud eos , et carnibus vescuntur , et agros colunt , et si voluerint uxores habent , quorum nihil faciunt qui vocantur Electi . Sed ipsi auditores , ante Electos genua figunt , ut eis manus supplicibus imponantur non a solis presbyteris vel episcopis aut diaconibus eorum , sed a quibuslibet Electis . Solem et lunam cum eis adorant et orant . Die quoque Dominico cum illis jejunant , et omnes , blasphemias cum illis credunt , quibus Manichæorum hæresis detestanda est , negantes scilicet Christum natum esse de virgine , nec ejus carnem veram confitentes fuisse , sed falsam : ac per hoc et falsam ejus passionem , et nullam resurrectionem fuisse contendunt . Patriarchas Prophetasque blasphemant . Legem per famulum Dei Moysen datam , non a vero Deo dicunt , sed a principe tenebrarum . Animas non solum hominum sed etiam pecorum , de Dei esse substantia , et omnino partes Dei esse arbitrantur . Deum denique bonum et verum dicunt cum tenebrarum gente pugnasse , et partem suam tenebrarum principibus miscuisse , eamque toto mundo inquinatam et ligatam per cibos Electorum suorum , ac per solem et lunam purgari asseverant : et quod purgari de ipsa parte Dei non potuerit , in fine saeculi æterno ac poenali vinculo colligari , ut non solum violabilis et corruptibilis et contaminabilis credatur Deus , cuius pars potuit ad mala tanta perduci , sed non possit saltem totus a tanta coquinuatione et immunditia et miseria , vel in fine saeculi purgari .

III. Has cum illis intolerabiles blasphemias , subdiaconus iste quasi catholicus , non solum credebat sed quibus viribus poterat , edocebat . Nam docens patefactus est cum se quasi dissentibus credidit . Rogavit me quidem posteaquam se Manichæorum Auditorem esse

confessus est , ut eum in viam veritatis doctrinæ catholicæ revocarem : sed fateor , ejus fictionem sub clerici specie vehementer exhorri , cumque coercitum pellendum civitate curavi . Nec mihi hoc satis fuit , nisi et tuæ sanctitati eum meis litteris intimarem , ut a clericorum gradu congrue ecclesiastica severitate dejectus , cavidus omnibus innotescat . Petenti autem poenitentiæ locum , tunc credatur , si et alios quos illic novit esse , manifestaverit vobis , non solum in Malliana , sed in ipsa tota omnino provincia .

EPISTOLA CCXXXVII¹.

Domino beatissimo , et merito venerabili fratri et coepiscopo CERETIO AUGUSTINUS in Domino salutem .

Augustinus Ceretio , de Priscillianistarum fraude in Scripturis , cum sacris , tum apocryphis exponendis ; deque hymno quem a Christo dictum esse singentes preferebant canonicis litteris .

I. LECTIS his , quæ misit sanctitas tua , videtur mihi Argirius in Priscillianistas , aut nesciens irruisse , ita ut omnino utrum ipsi essent Priscillianistæ ignoraret , aut jam ejusdem hæresis retibus implicatus . Nam Scripturas Priscillianistarum esse non dubito . Vix autem mihi vacare utcumque potuit , aliis atque aliis sine intermissione necessitatibus superantibus , ut unus mihi saltem totus ex duabus ipsis codicibus legeretur . Nescio quo enim modo alius aberravit , et diligentissime inter nostros requisitus

¹ Alias cccliii. prima. quæ autem 237 erat , nunc 56.

nullo modo potuit inveniri, domine beatissime et merito
venerabilis pater.

II. Hymnus sane, quem dicunt esse Domini nostri Jesu Christi, qui maxime permovit venerationem tuam, in Scripturis solet apocryphis inveniri. Quæ non proprie Priscillianistarum sunt, sed alii quoque hæretici eis non-nullarum sectarum impietate vanitatis utuntur, inter se quidem diversa sentientes, unde suas quisque varias hæreses sunt secuti, sed scripturas istas habent in sua diversitate communes, easque illi præcipue frequentare assolent, qui Legem veterem et Prophetas canonicos non accipiunt. Negant enim hæc ad Deum bonum, et ad Christum ejus Filium pertinere; sicut Manichæi, sicut Marcionistæ, et cæteri quibus hæc blasphemia damnabilis placuit. Qui etiam in Scripturis canonicis Testamenti Novi, hoc est in veris evangelicis et apostolicis litteris, non accipiunt omnia, sed quod volunt, et libros eligunt quos accipiant, aliis improbatis. Sed et in singulis quibusque libris loca distinguunt, quæ putant suis erroribus convenire: cætera in eis pro falsis habent. Nam quidam Manichæi canonicum librum, cuius titulus est: *Actus Apostolorum*, repudiant. Timent enim evidentissimam veritatem ubi appareat sanctus Spiritus missus, qui est a Domino Jesu Christo in evangelica veritate promissus¹. Sub ejus quippe Spiritus nomine, a quo penitus alieni sunt, indocta hominum corda decipiunt, mira cæcitate asserentes eamdem Domini promissionem in suo hæresiarcha Manichæo esse completam. Quod et illi hæretici faciunt, qui vocantur Cataphryges, dicentes, per nescio quos insanos, Montanum scilicet et Priscillam, quos et proprios suos prophetas habent, venisse Spiritum sanctum, quem Dominus missurum se esse promisit.

¹ Act. 11, 2.

III. Priscillianistæ vero accipiunt omnia et canonica, et apocrypha simul. Sed quæcumque quæ contra eos sunt, in suæ perversitatis sensus aliquando callida et astuta, aliquando ridicula et hebeti expositione pervertunt. Nec saltem ita ut ea ipsa, quæ exponunt ab suæ sectæ hominibus alienis, vera esse credant: alioquin aut catholici essent, aut non multum a veritate alieni, qui et in ipsis scripturis apocryphis sensus catholicos invenirent, aut invenire velle viderentur: sed cum ipsi alia cum suis sentiant, atque inter suos doceant, sive discant, quæ non audent prodere, quoniam revera nefaria sunt et detestanda; tamen fidem catholicam eis, quos timent, prædicant, non quam teneant, sed sub qua lateant. Possunt enim aliqui hæretici reperiri fortasse immundiores, sed nullus istis fallacia comparatur. Alii quippe ut sunt hominum vitia, de hujus vitæ consuetudine vel infirmitate mentiuntur. Isti autem in ipsa nefaria doctrina hæresis suæ præceptum habere prohibentur, ut occultandorum dogmatum suorum causa, etiam cum falsa juratione mentionantur. Hi qui eos experti sunt, et ipsorum fuerant¹, atque ab eis Dei misericordia liberali sunt, etiam verba ipsa præcepti hujus ista commemorant,

Jura, perjura, secretum prodere noli.

IV. Proinde ut sine ulla difficultate videatur, quam non hoc sentiunt de scripturis apocryphis, quod se exponere simulant, ratio consideranda est, quam reddere videntur, ut eisdem scripturis tanquam divina tribuatur auctoritas, ut quod scelestius est, etiam canonicis præferant. Habes verba eorum in illo codice ita posita: « [Hymnus Domini, quem dixit secrete sanctis Apostolis » discipulis suis quia scriptum est in Evangelio, Hymno

¹ Vide lib. 2. Retract. cap. 60.

» dicto ascensit in montem¹; et qui in canone non est
» positus, propter eos qui secundum se sentiunt, et non
» secundum spiritum et veritatem Dei, eo quod scriptum
» est, Sacramentum regis bonum est abscondere, opera
» autem Dei revelare, honorificum est².] » Ista est magna
eorum ratio, cur iste hymnus non sit in canone, quia
velut sacramentum regis abscondendum fuit his, qui se-
cundum carnem sentiunt, et non secundum spiritum et
veritatem Dei. Ergo Scripturæ canonicae non pertinent ad
sacramentum regis, quod istis abscondendum videtur;
et eis conscriptæ sunt, qui secundum carnem sentiunt,
et non secundum spiritum et veritatem Dei. Quod quid
est aliud, quam dicere Scripturas sanctas canonicas nec
secundum spiritum Dei sapere, nec pertinere ad verita-
tem Dei. Quis hoc audiat, quis valeat sustinere tantæ im-
pietatis horrorem? Aut si Scripturæ canonicae spiritualiter a spiritualibus, carnaliter a carnalibus sentiuntur,
cur non est et iste hymnus in canone, si et ipsum spiri-
tuales spiritualiter, carnales carnaliter sentiunt?

V. Deinde quid causæ est, ut eumdem hymnum isti
secundum Scripturas canonicas conentur exponere. Si
enim propterea non est in Scripturis canonicis, quia illæ
Scripturæ carnalibus, hymnus autem iste spiritualibus
scriptus est, quomodo de Scripturis ad carnales homi-
nes pertinentibus exponitur hymnus, qui non pertinet ad
carnales? Si enim, verbi gratia, propterea³ in isto hymno
cantatur, et dicitur: « Solvere volo, et solvi volo, » quia
sicut isti hæc verba exponunt, solvit nos Dominus Chris-
tus a conversatione sæculi, ut non iterum ligemur in eo:
hæc in Scripturis canonicis utique didicimus, quod solvat
nos Dominus a conversatione sæculi, et quia in eo non
debemus, iterum colligari. Nam quid est aliud: « Diru-

¹ Matth. xxvi, 30. — ² Tob. xii, 7. — ³ Alias prope.

pisti vincula mea⁴; » Quid est aliud: « Dominus solvit
compeditos⁵? » Jam solutos autem Apostolus admonet di-
cens: « State ergo, et ne iterum servitutis jugo detinean-
» mini³: » et apostolus Petrus dicit: « Si enim refugien-
» tes coinquinationes mundi in cognitione Domini nostri et
» Salvatoris Jesu Christi, his rursus impliciti superantur,
» facta sunt eis posteriora, deteriora prioribus⁴; » sic os-
tendens cum soluti fuerimus, alligari nos mundo iterum
non debere. Cum itaque ista in canone, sive ex his testi-
moniis, quæ commemoravi, sive ex aliis plurimis manifesta-
sint et legi et prædicari non cessent, quid est quod isti
hunc hymnum, ubi, ut secundum ipsos loquar, verba ob-
scurissime sunt posita, propterea dicunt in canone non
esse, ne valerentur carnalibus? cum potius ea videamus
in canone revelata; in hoc autem hymno omnino velata;
sicut ipsi asserunt, nam sicut magis credem dum est, pror-
sus non sunt ipsa, sed nescio quæ alia, quæ tali exposi-
tione multo amplius velant, et revelare fomidant.

VI. Nam utique si hoc illis verbis, significatur quod
nos solvit Dominus a conversatione sæculi, et ut non ite-
rum ligemur in eo, non diceretur: « Solvere volo, et solvi
volo; » sed solvere volo, et eos quos solvero, ligari nolo.
Aut si membra sua, id est fideles suos in transfigurat,
quemadmodum ait: « Esurivi, et dedistis mihi manu-
» care⁵; diceret potius, Solvi volo, et ligari nolo. Aut si
propterea ipse solvit, et ipse solvit, quia solvit caput,
membra solvuntur, quæ persecabantur, qui clamavit de
cœlo: « Saule Saule, quid me persecueris⁶; » hoc quidem
verborum istorum expositor iste non dixit; sed etiamsi
dixisset, id ei responderemus, quod paulo ante respondi-
mus: Quoniam hæc in Scripturis canonicis legimus, ibi

¹ Psal. cxv, 17. — ² Id. cxlv, 8. — ³ Galat. v, 1. — ⁴ 2 Petr. ii, 20. —
⁵ Matth. xxv, 35. — ⁶ Act. ix, 4.

intelligimus, inde firmamus, inde quotidie prædicamus. Quid est igitur quod iste hymnus dicitur carnalibus fuisse subtractus, ut non poneretur in canone, cum quod in illo oportum est, in canone apertum sit. An usque adeo desipiunt, immo insaniunt, ut audeant dicere sacramentum regis in hoc hymno absconditum esse spiritualibus, in canone autem manifestum esse carnalibus?

VII. Hoc de superioribus ejusdem hymni verbis dici potest, ubi ait: « Salvare volo, et salvari volo. » Sienim, sicut ipsi exponunt, hoc ista verba significant, quod salvamur a Domino per baptismum, et salvamus, id est, custodimus in nobis Spiritum datum nobis per baptismum, nonne istum sensum Scriptura canonica clamat, ubi legimus: « Salvos nos fecit per lavacrum regenerationis¹? » et ubi nobis dicitur: « Spiritum nolite extinguere²? » Quomodo ergo iste hymnus in canone ideo non est, ne carnalibus innotescat, cum id quod in illo obscurum est, in canone luceat³? nisi quia sub hac qualicunque expositione, quam quibuslibet aliis obtendunt, illud quod hic ipsi sapiunt occultare conantur; qui tamen usque adeo cæci sunt, ut etiam quædam verba de ipso canone adhibeant ad exponendum hymnum, quem propterea dicunt in canone non esse, ne sacramentum regis carnalibus proderetur. Quid ergo faciunt in canone clarius posita, per quæ in isto hymno eperiantur obscura?

VIII. Nam si hoc, ut dicunt, intelligendum est in isto hymno, ubi ait: « Generari volo, » quod in canonica epistola Pauli apostoli scriptum est: « Quos iterum parturio do, » nec Christus formetur in vobis⁴: » si hoc intelligendum est in isto hymno, ubi ait: « Cantare volo, » quod in Psalmo canonico scriptum est: « Cantate Domino canticum novum⁵: » si hoc intelligendum est in isto hymno, ubi

¹ Tit. iii, 5. — ² 1 Thess. v, 19. — ³ Galat. iv, 19. — ⁴ Psal. xcvi, 1.

ait: « Saltate cuncti, » quod scriptum est in cantico evangelico: « Cantavimus vobis, et non saltastis⁶: » si hoc intelligendum est in isto hymno: « Plangere volo, tun- » dite vos omnes⁷, » quod scriptum est in cantico evangelico: « Planximus vobis, et non luxistis⁸: » si Ornare » volo, et ornari volo, » hoc significat in isto hymno quod scriptum est in canone: « Habitare Christum per fidem » in cordibus vestris⁹: et, Vos estis templum Dei, et » spiritus Dei habitat in vobis⁵: » si quod ait in isto hymno: « Lucerna sum tibi, ille qui me vides, » hoc significat, quod scriptum est in Psalmo canonico: « In lu- » mine tuo videbimus lumen⁶: si quod ait in hymno: « Janua sum tibi quicumque me pulsas, » hoc significat quod in Psalmo canonico legitur: « Aperite mihi portas » justitiae, ingressus in eis, confitebor Domino⁷; » et in alio Psalmo: « Tollite portas principes vestri, et ele- » vamini portæ æternales, et introibit rex gloriae⁸: » si quod ait in isto hymno: « Qui vides quod ago, tace opera mea, » hoc significat quod scriptum est in libro Tobiæ: « Sacramentum regis bonum est abscondere⁹; » cur iste hymnus non esse in canone propterea dicitur, ut sacramentum regis abscondatur carnalibus; cum ea quæ in isto hymno exponuntur, etièm in canone legantur, et sic ibi reperiantur manifesta, ut per hæc illa exponantur obscura: nisi quia istas expositiones habent in quibus lateant; in verbis vero illius hymni, quem exponere ti- meant?

IX. Longum est cuncta disputando monstrare. Verum ex his quæ diximus, cætera considerare facillimum est,

¹ Matth. xi, 17. — ² Luc. vii, 32. — ³ Matth. xi, 17. — ⁴ Ephes. iii, 17.

⁵ 2 Cor. vi, 16. — ⁶ Psal. xxxv, 10. — ⁷ Id. cxvii, 19. — ⁸ Id. xxii, 7.

⁹ Tob. xii, 7.

et videre ea, quæ in expositione hujus hymni bona et honesta dicunt, etiam in canone reperiri. Unde illa eorum non ratio, sed tergiversatio est, ideo illum esse a canone separatum, quia carnalibus hominibus abscondendum regis fuerat sacramentum. Unde non immerito creduntur istis expositionibus non aperire velle quod legunt, sed potius operire quod sentiunt. Nec mirum, quandoquidem ipsum Dominum Jesum loquentem, non per ora Prophetarum, vel Apostolorum, vel Angelorum, sed per os proprium, illusorem potius quam veritatis doctorem fuisse crediderunt. Huic utique hymno divinam tribuentes auctoritatem, ubi cum dixisse nescio quis ejusdem hymni conditor sinxit; « Verbo illusi cuncta, » et non non sum illucus in totum : » respondeant si possunt egregii spiritales, quo eamus, cui aures aperiamus, cui loquenti utcumque credamus, in cujus promissione spem ponamus, si verbo cuncta Christus illusit, si verbo cuncta omnipotens magister illusit, si verbo cuncta ille qui est unigenitus Verbum Dei Patris illusit? Quid ulterius loquar de perditis vaniloquis, et mentis seductoribus, primum suæ, deinde cæterorum, quos sibi ad interitum prædestinatos æternum consociare potuerunt. Rescripsi venerationi tuæ, et multo serius quam volueram, et plura quam disposueram. Optime facitis vigilanter lupos cavere ; sed etiam pro sanandis ovibus, si quas forte violaverint, sive jam vulneraverint, pastorali diligentia, ipso adjuvante pastorum Domino, laborete.

326
EPISTOLA CCXXXVIII¹.

Augustinus Pascentio (domus regia Comiti Ariano, qui ipsum ad colloquium apud Carthaginem provocarat, ex Possidio c. 17.) et in professione fidei eluserat, ac post jactarat Augustinum ab ipso superatum, scripto reddit rationem fidei suæ de tribus personis et uno Deo, deque verbo θρύσιον.

I. VOLUERAM quidem petente te atque instantे, ut meminisse dignaris, imo pro merito ætatis ac dignitatis tuæ jubente te, de fide Christiana, etiam præsens cum præsente, in quantum mihi facultatem Dominus largiretur, conferre sermonem. Sed quia tibi post prandium displicuit quod inter nos mane placuerat, ut a notariis verba nostra exciperentur; ne ulterius dicas, quod te audio non tacere, non me fuisse ausum tibi dicere fidem meam, his litteris accipe, quod et tu legas, et cui volueris legendum tradas, et quod volueris vicissim scribendo ipse respondeas. Iniquum est enim ut quisque de alio judicare velit, et judicari de se nolit.

II. Et de præterito quidem placito nostro, quod conducto meridiano implere noluisti, facile existimari potest, quis nostrum fidei suæ fiduciam non habuerit; utrum qui volebat ut diceretur, et timebat ne teneretur; an qui usque adeo nolebat eam disceptantium judicio subtrahi, ut mandata litteris vellet etiam legentium memorie commendari, ne quisquam vel oblivione opinatus vel dissensione irritatus, diceret ab aliquo nostrum, aut non esse dictum quod dictum erat, aut dictum esse quod dictum

¹ Alias cc.xiv. quæ autem 238 erat, nunc 69.

erat. In his enim solent latebras suæ malæ defensionis inquirere, qui contentionis sunt cupidiores, quam veritatis. Hoc autem nec a te nec a me, nec de te nec de me dici posset, si in fide conducti permaneres, ut verba nostra exciperentur et scriberentur, præsertim quia tu ipse in iis verbis, quibus fidem tuam pronuntiasti, quoties ea repetisti, toties variasti, quod nulla credo fraude, sed obliuione factum esse.

III. Nam primo dixisti, « Credere te in Deum Patrem omnipotentem, invisibilem, ingenitum, incapabilem: et in Jesum Christum filium ejus, Deum, natum ante sæcula, per quem facta sunt omnia; et in Spiritum sanctum. » Quibus ego auditis, cum respondissem, nondum a te quidquam dictum, quod meæ fidei repugnaret, et ideo si ea scripsisses, me his etiam posse subscribere; ad hoc nescio quomodo res perducta est, ut accepta charta, ea ipsa, quæ dixeras, velles etiam litteris tua manu exprimere. Quod cum mihi ad legendum dedisses, animadverti minus te scripsisse « Patrem, » cum scripsisses, « Deum omnipotentem, invisibilem, ingenitum, innatum. » Quod ubi commemoravi, non post multam allegationem, addidisti « Patrem, » et « Incapabilem » quidem, quod verbis dixeras, scripto prætermiseras: sed nulla hinc a me facta commemratio est.

IV. Deinde cum dixisset me paratum esse subscribere adhuc illa verba etiam mea esse posse, prius quæsivi, ne quod in mentem venerat laberetur, utrum alicubi Scripturarum divinarum legeretur: « Pater ingenitus¹. » Hoc autem feci, quia in exordio sermonis nostri cum Arius et Eunomius commemorati essent, non a me, sed a fratre meo Alypio, requirente quemnam eorum secutus

¹ Αγέννητος.

1. Δια την εργάσιμην περιοχήν της απόλυτης σημασίας, μεταξύ της

esset Auxentius, qui abs te fuerat non parva prædicatione laudatus, exclamando anathematizasti et Arium et Eunomium; tum continuo flagitasti, ut et nos anathematizaremus ὄμούσιον, quasi quisquam homo esset, qui hoc vocaretur, sicut Arius et Eunomius. Deinde vehementer exigebas, ut hoc verbum tibi in Scripturis ostenderemus, et statim nobis communicares. Respondebatur a nobis, quia nos latine loqueremur, et illud græcum esset, prius quærendum esse quid sit ὄμούσιον, et tunc exigendum ut in libris sanctis ostenderetur. Tu contra verbum ipsum crebro repetens, et invidiose ventilans, atque in conciliis majorum nostrorum conscriptum commemorans, vehementer urgebas, ut ipsum omnino verbum quod est ὄμούσιον, in sanctis libris ostenderemus; nobis etiam atque etiam revocantibus, quia lingua nostra græca non esset, prius interpretabundum et expoundendum esse quid sit ὄμούσιον, tum demum in divinis litteris requirendum: quia etsi fortasse nomen ipsum non inventiretur, res tamen ipsa inveniretur. Quid est enim contentiousius, quam ubi de re constat, certare de nomine?

V. Hæc ergo quia inter nos jam collocuti fueramus, poste aquam ad id ventum est ut fidem tuam, sicut commemoravi, scriberes, quanquam nihil in eis verbis vide rem nostræ fidei esse contrarium, et propterea me dicere paratum esse subscribere; quæsivi, ut dixi, utrum Scriptura Dei contineret hoc verbum, quod « Pater esset » ingenitus, » Et cum scriptum esse respondissem, instantius quærebam, ut ostenderes. Tunc unus ex iis qui aderant, quantum intelligi datur, fidei tuæ socius, ait mihi, « Quid ergo? Tu Patrem genitum dicis? » Respondi, Non dico. Et ille, « Si ergo genitus non est, inquit, utique ingenitus est. » Cui ego, Vides, inquam, posse fieri ut etiam de verbo, quod in Scriptura Dei non est,

reddatur tamen ratio unde recte dici ostendatur. Sic ergo et ὄνοματον quod in auctoritate divinorum librorum cogebamur ostendere, etiam si vocabulum ipsum ibi non inveniamus, fieri posse ut illud inveniamus, cui hoc vocabulum recte adhibitum judicetur.

VI. Quibus dictis quid hinc tibi videretur attendi ut audirem; et aisti, « Recte factum esse ut ingenitus Pater in Scripturis sanctis non diceretur, ne illi vel tali verbo fieret injuria: » Ergo, inquam, modo facta est injuria Deo, et hoc manu tua? Quo auditio fateri jam coepisti, nec te hoc dicere debuisse. Sed cum admonerem ut si tibi tale videretur hoc verbum, ut ad Dei pertineret injuriam, deleres illud inde ubi scriperas; considerasti, credo, posse id recte dici, et posse defendi; et rursus aisti, « Prorsus ego hoc dico. » Tum ego illud, quod jam dixeram repetivi, ita fieri posse, ut etiam ὄνοματον neque scriptum in sanctis paginis inveniatur, et tamen dictum in assertione fidei defendatur, sicut « Patrem » in illis libris nusquam « Ingenitum » legimus, et tamen dicendum esse defenditur. Tunc a me chartam, quam dederas abstulisti et conscidisti. Et constituimus postmeridianum tempus, ut adessent notarii ad excipienda verba nostra, atque inter nos ista quantum possemus diligenter tractaremus.

VII. Venimus, ut nosti, ad horam conductam, notarios adduximus, ut et tui adessent, consedimus. Dixisti rursus fidem tuam, atque in verbis tuis non audivi « In- genitum Patrem. » Credo quod cogitaveris quid inde mane dictum fuerit, et praecavere volueris. Deinde poscisti ut ego etiam dicerem fidem meam. Ubi cum postulassem commemorans antemeridianum placitum nostrum, ut ea, quae dixeras, dictare potius dignareris; tunc exclamasti calumniam parare nos tibi, et ideo verba

tua conscripta velle retinere. Ibi quid responderim recordari non libet, atque utinam nec tu memineris. Servavi tamen debitam honoriscentiam honori tuo, nec maledictum deputavi, quod non a veritate, sed a potestate audire meruisse. Tamen quia vel ipsa verba repetivi, ut pressa voce dicerem, Ita-ne calumniam paramus nos tibi? ut ignoscas peto.

VIII. Sed tu his auditis, rursus fidem tuam sono clariore repetiisti, atque in verbis tuis non audivi « Deum Filium, » quod nunquam, quoties eam dixisti, tacueras. Hic ego tam modeste, ut nusquam pulsarem, ut de excipiendis verbis nostris, quod inter nos placuerat impleretur, etiam ipsam utilitatem de praesenti experientia sugessi, dicens te ipsum non potuisse in memoria verba tua tibi usitatissima retinerere, quando nunquam ea repeteret valuisse videbamus, cum non aliquid maxime necessarium parares; quanto minus posse illos, qui nos audirent, ita nostrorum meminisse verborum, ut si quid forte vel tu de meis, vel ego de tuis verbis, vellent retractare atque discutere, valerent seu dictum seu non dictum liquido recordari; in qua nobis difficultate facile notariorum recitatio subveniret. Tunc indignanter dixisti, « Melius fuisse ut meam famam semper audires, eo quod lange inferiorem me expertus essem, quam tibi illa jactasset. » Tunc ego commemoravi, cum te ante prandium salutaremus, et eam famam nobis praedicasses, hoc me dixisse, quod de me illa mentita sit. Hic sane aisti, « Verum me dixisse. » Proinde cum duo tibi de me diversa locuti sint, aliud fama mea, et aliud ego, magis utique gaudere debeo, me potius quam illam repertum esse veracem. Sed quia scriptum est, « Solus » Deus verax, omnis autem homo mendax¹; » vereor ne

¹ Rom. iii, 4.